

“Жисмоний шахслар учун миллий валютадаги  
“Navro’z” муддатли банк омонати шартномаси  
бўйича операцияларни амалга ошириш тартиби”га  
**ИЛОВА**

**Жисмоний шахслар учун миллий валютадаги  
“Navro’z” муддатли банк омонати  
ШАРТНОМАСИ**

20 \_\_ йил «\_\_» \_\_\_\_\_ № \_\_\_\_\_ шаҳри

“Трастбанк” хусусий акциядорлик банкининг \_\_\_\_\_  
филиали (кейинги ўринларда – Банк) бошқарувчиси \_\_\_\_\_  
Низом ва Ишончнома асосида фаолият юритиб, бир томондан, ва \_\_\_\_\_  
\_\_\_\_\_ (кейинги ўринларда – Омонатчи),  
иккинчи томондан, мазкур Шартномани куйидагилар тўғрисида туздик.

**1-§. Шартнома предмети**

1. Банк Омонатчининг \_\_\_\_\_ (\_\_\_\_\_) сўм  
пул маблағини қабул қилди ва уни 20606000..... омонат ҳисобварағига  
омонат шартларига мувофиқ жойлаштирди.

2. Омонатчига \_\_ серияли \_\_\_\_\_-сон Омонат дафтарчаси очилди ва унда  
юқорида кўрсатилган ҳисобвараққа кирим қилинган омонат қиймати ва бошқа тегишли  
маълумотлар ўрнатилган тартибда акс этирилади.

**2-§. Омонат шартлари ва ҳисоб-китоблар тартиби**

3. Омонат муддати 13 ой, яъни омонатга пул маблағи қўйилган сана: 20\_\_ йил “\_\_”  
\_\_\_\_\_, омонатни қайтариш санаси: 20\_\_ йил “\_\_” \_\_\_\_\_ .

4. Омонатга йилда 365 кун ҳисобидан йиллик 19% даромад ҳисобланади.

5. Ушбу Шартнома бўйича жалб қилинган омонатнинг фоиз ставкаси унинг муддати  
тугагунга қадар ўзгармайди.

6. Омонат бўйича фоиз омонат Банкка қабул қилинган куннинг кейинги санасидан  
бошлаб омонатни Омонатчига қайтариб бериладиган кунгача ҳисобланади.

Омонатчининг омонат ҳисобварағи хатланганлиги оқибатида омонатдаги пул  
маблағидан Банк фойдалана олмаган давр учун фоиз ҳисобланмайди.

7. Омонат бўйича фоиз \_\_\_\_\_

(ҳар ойда ёки омонат муддати тугагандан сўнг капитализациясиз)

тўлаб берилади.

8. Омонат муддати тугагандан сўнг омонат Омонатчига қайтарилади.

Агар омонатни қайтариш дам олиш ёки байрам кунига тўғри келса, омонат кейинги  
банк иш кунига қайтариб берилади.

9. Агар Омонатчи омонатни муддати тугамасдан қайтармоқчи бўлса, у бу ҳақда  
Банкни омонатни олишни мўлжаллаган санадан камида бир ой олдин огоҳлантиради.  
Бунда шартноманинг амал қилиши тўхтатилади, омонат муддатидан олдин қайтарилади,  
ҳисобланган фоиз бекор қилинади ва тўланмайди. Омонат муддати давомида фоиз  
тўланган бўлса, у омонат маблағидан ушлаб қолинади.

10. Омонатчи омонат муддати тугагандан кейин омонатни қайтариб олмаса, мазкур  
Шартнома талаб қилиб олингунча сақланадиган омонат шартлари асосида узайтирилган  
ҳисобланади, кейинги амалиёт кунига унинг учун талаб қилиб олингунча сақланадиган  
омонат ҳисобварағи очилади. Омонат ва у бўйича ҳисобланган фоиз, ушбу кундан  
бошлаб, Омонатчининг талаб қилиб олингунча сақланадиган омонат ҳисобварағидаги  
шахсий ҳисобвараққа ўтказилади.

### 3-§. Томонларнинг ҳуқуқ ва мажбуриятлари

11. Банк Омонатчидан Ўзбекистон Республикаси қонун ҳужжатларига мувофиқ омонатни расмийлаштиришда тақдим этилиши зарур бўлган ҳужжатларни талаб қилиш ва олиш ҳуқуқига эга.

12. Банк қуйидаги мажбуриятларни ўз зиммасига олади:

а) омонатни, Банкни камида бир ой олдин огоҳлантирган ҳолда муддатидан олдин қайтариш сўралганда, қайтариб бериш;

б) омонатни сир сақлаш ва у бўйича маълумотларни фақат Ўзбекистон Республикаси қонун ҳужжатларида кўзда тутилган ҳолларда тақдим этиш;

в) Омонатчининг омонат ҳисобварағи бўйича амалиётлар Банк томонидан тўхтатиб қўйилганда, амалиёт тўхтатилган санадан бошлаб кейинги иш кунидан кечиктирмаган ҳолда Омонатчига унинг омонат ҳисобварағига хизмат кўрсатиш тўхтатилганлиги ва унинг сабаби юзасидан хабарнома юбориш;

г) Омонатчининг кредит ва микроқарз бўйича қарздорлигини сўндириш учун унинг омонат ҳисобварағидан маблағ Банк томонидан Омонатчининг топшириғисиз ҳисобдан чиқарилганда, маблағ ҳисобдан чиқарилган санадан бошлаб кейинги иш кунидан кечиктирмаган ҳолда Омонатчига унинг омонат ҳисобварағидан қанча миқдордаги маблағ қандай сабабга асосан ва кимнинг фойдасига чиқарилганлигини кўрсатган ҳолда хабарнома юбориш.

13. Омонатчи қуйидаги ҳуқуқларга эга:

а) омонатни ишончли вакили орқали ҳам тасарруф этиш;

б) омонатни Ўзбекистон Республикаси қонун ҳужжатларига мувофиқ ҳар қандай шахсга васият қилиш.

14. Омонатчи қуйидаги мажбуриятларни ўз зиммасига олади:

а) шахсни тасдиқловчи ҳужжат маълумотлари ўзгарганда, ўзгариш санасидан бошлаб 10 кун ичида, Банкка ёзма хабар бериш;

б) Ўзбекистон Республикаси қонун ҳужжатларига мувофиқ сўралган барча ҳужжатларни Банкка тақдим этиш.

### 4-§. Томонларнинг жавобгарлиги

15. Томонлар мазкур Шартнома бўйича мажбуриятларни бажармаганликлари учун Ўзбекистон Республикаси қонун ҳужжатларига мувофиқ жавобгарликка тортилади.

### 5-§. Алоҳида шартлар

16. Ушбу Шартнома омонат Банкка қабул қилинган пайтдан бошлаб кучга киради.

17. Мазкур Шартнома 12-бандининг “в” ва “г” кичик бандларида назарда тутилган хабарномалар Омонатчига \_\_\_\_\_

*(Омонатчи тегишлисини танлайди: шахсан топшириш, почта орқали жўнатиш, электрон почтадан жўнатиш, мобиль телефонида SMS юбориш, мобиль телефонида телеграм канали орқали жўнатиш)* орқали топширилади. Омонатчи хабарнома етказиш усулини Банкка шахсан ёки почта орқали ёзма ариза тақдим этиш йўли билан ўзгартириш ҳуқуқига эга. Бунда Омонатчидан қабул қилинган ариза Банк томонидан унинг омонат ҳисобварағи бўйича йиғмажилдида сақланади.

Хабарномани Омонатчига етказиш усули ўзгарганлиги муносабати билан мазкур Шартномага ўзгартириш киритиш талаб этилмайди.

18. Банк мазкур шартнома шартларига Омонатчи манфаатларига дахл қиладиган ўзгартиришларни бир томонлама киритишга ҳақли эмас.

19. Омонатнинг қайтарилиши Ўзбекистон Республикасининг “Фуқароларнинг банклардаги омонатларини ҳимоялаш кафолатлари тўғрисида” қонунига мувофиқ кафолатланади.

20. Мазкур Шартномада назарда тутилмаган бошқа барча ҳоллар учун Ўзбекистон

Республикаси қонун ҳужжатлари нормалари қўлланилади.

21. Томонлар барча келишмовчилик ва низоларни музокара йўли билан ҳал этади. Музокара натижасида томонлар ўзаро келишувга эриша олмаган тақдирда низо Ўзбекистон Республикаси қонун ҳужжатларига мувофиқ судда кўриб чиқилади.

22. Шартнома бир хил юридик кучга эга бўлган икки нусхада тузилди, унинг бир нусхаси Банкда, иккинчи нусхаси Омонатчида сақланади.

### 6-§. Томонларнинг манзили ва реквизитлари

Банк:	Омонатчи:
Манзили: _____	Манзили: _____
Банк коди: _____	Шахсни тасдиқловчи ҳужжат маълумотлари: _____
Банк ҳисобварағи: _____	СТИР: _____
СТИР: _____	_____
Бошқарувчи: _____	(фамилияси, исми ва отасининг исми)
(Мухр ўрни)	_____
	(имзо)